

1614

6. 20157

ENNVIS
DES PAYSANS
CHAMPESTRES,

Adressez à la Royne Regente.

M. DC. XIII.

DES RAYANS

THE NEWBERRY

LIBRARY

CHAMBERS

Case

F

39

.326

1614e

M. D. C. XLI



*ENNUIS DES PAR-
sans Champestres. Adressez
à la Royne Regente.*

M A D A M E,

La crainte que nous auions que le peu de merite de noz rustiques personnes destournast vos oreilles pour ouïr & entendre les Echoz pitoyables de nos particulieres plaintes & generalles cōplaintes, rendoit du commencement nos attêtes suspectes de receuoir de-là nos consolations esperees. Mais estant ainsi que vostre Majeste tant humaine reçoit si volōtiers les tref-humbles requestes & supplications de ses sujets, ceste seule consideration nous donne presentement l'asseurāce de luy parler & faire grossierement entendre la cause de nos ennuys. Nous pensions pour long-temps estre bien assurez en nos cabanes rurales, iouyssant de l'amiable repos que ce grand & inuincible guer-

rier, nostre deffunct & tres-honoré
 Maistre, auoit procuré à son peuple.
 Mais ne pouuans les enuieux de nostre
 prosperité longuement, entretenir en
 France ce bien inestimable de la paix,
 les doux Zephires, de laquelle nous
 respirions si doucement, avec vne ex-
 treme crainte de la perdre nous voyôs
 presentement, hélas ! les presages dan-
 gereux de sa prochaine ruyne. Les res-
 sentimens que nous auons encore des
 afflictions passées & des anciènes guer-
 res intestines, nous debilitent entiere-
 ment le cœur & le courage en l'appre-
 hension des futures, de telle sorte &
 maniere que nous n'auons aucun goust
 pour savourer les biens que liberalem-
 ent le Ciel en ceste presente année
 eslargira aux enfans de la France. Nous
 parlons à vous, M A D A M E, encore
 que ne soyons que pauvres Paysans &
 gës rustiques nourris à la Champestre,
 de vile & basse condition, desquels la
 pointe & la portée du iugement au res-
 pect de celuy de vos experimentez Cō-
 seillers d'Estat, ne s'estend & n'outre-
 passe la veuë des clochers de nos villa-
 ges, mais pourtant nous auons ceste

maxime bien-avant engrauee en l'ame, ressentant le naturel des simples, mais des bons & legitimes François, que quiconque se dit sujet du Roy, ne se doit iamais forligner de la fidelité qui luy doit inuiolablemēt garder, & cōme il est vray que les vrays sujets d'un Prince ne peuuent estre tels que par l'obeissance & par la foy solide qui les rend obligez à son seruice. Il faut estimer ceux-là n'estre legitimes sujets qui abandonnent le soing qu'ils doiuent auoir de l'Estat & de la personne de leur Souuerain, pour embrasser leur propre lucre leur particulier interest, & la seule eleuation de leur gloire, & alors ainsi desguisez n'estans plus que seruiteurs affectionnez entre deux levres, delaisent ce qu'ils deuroient estre & deuiennent comme noircis amoureux de leurs vaines & friuolles intentions. Nous nous garderions biē d'ecrire & de parler de ceste sorte, n'estoient les miseres de la guerre que nous apprehendons, & particulierement l'affection que nous portons au Roy nostre bon Seigneur & Maistre, laquelle par force & de son autorité extorque & attire toute ces pa-

rolles du cœur de la bouche & de la plume. Nous ne craignons point tant les éclairs ny les bruits des effroyables tonnerres, qui souuentefois esbranlēt nos maisons, & renuersent les Tours & Clochers de nos Parroisses, que les espouuentables alarmes qui s'engendrēt au son du Tocsin, le plus souuent de nuict au milieu de nostre repos, ores de iour au milieu de nos sueurs, peines, labeurs & traualx. Point tant ne nous attristent les gresles, ny les gelées de May, ny les coulages de luing qui nous apportent coustumierement la cherté des viures, que l'inhumanité des soldats & desloyauté des goujards qui tuent qui molestent, qui violent, qui bruslent, qui destruisent, rançonant le bon-hôme, & luy font dix mille violēces, pour luy faire à force de coups, qui de pieds, qui de mains, qui de bastōs qui de glaiues, qui de dagues, qui de poignards, confesser où est son pauvre biē caché, mussé, enterré & transporté hors de sa maison. Nous ne pouons alors nous seruir contre leurs cruauitez barbaresques d'autres armes ny moyēs que d'obeyssance, forcee de larmes inu-

tiles, & de vaines prieres. Cela destrouant tout le cours de nos petites intentions, estant la cause le plus souvent de la sterilité de nos terres, de la vête de nos biens & heritages a vil prix, de la perte de nos causes & procez, faute d'auoir dequoy faire presens à nos Aduocats & Procureurs, pour la recommandation de nos affaires, bref, de tout nostre malheur. Et puis qu'il plaist maintenāt à la fortune & incōstāce des tēps de nous faire payer à vsure l'interest de l'aïse du bō temps, & du repos, duquel elle nous auoit faict iouyr par l'espace de vingt annees & plus, nous ne pouuons auoir autre recours qu'à vous, M A D A M E, nous vous offrons maintenant nostre cœur affligé qui parle à vous, & vous represente malgré que nous ayons, les Registres des maux, que desia nous font ressentir les estincelles de ces esmotions intestines, qui s'allument en ce Royaume & se trament sur la diuisiō de nos Princes. Que si Dieu veut tant affliger la France de permettre pour nos offenses, qu'elle se voye ensanglantee du sang de ses enfans, par l'entremise d'une guerre ciui-

le, ce que nous prions iournellement
 qu'il n'aduienne: A tout le moins vos
 vrays & legitimes fujets, vous feront
 ayfément cognoiftre en tout lieu place
 & occurence par leur conftance gene-
 reufe que leurs volontez n'aurent ia-
 mais pour guides que les commande-
 ments de vos Majeftez, pour loy que
 vos defirs, & pour but que voftre con-
 tentement & fervice, proteftant dès à
 present aux pieds du Roy, & de voftre
 Majefté, M A D A M E, qu'ils auront
 autant de courage pour mourir en la
 deffence de leur Prince, qu'ils ont eu
 de cœur à viure durant la paix, en vous
 fervant affectionnant & craignant.

F I N.